



## UKA2023-mi apeqqarissaarnermi allaganngorlugit apeqqutit

Asasarput Harald Bianco

Pingasunngornermi 4. oktober 2023-mi Inatsisartuni apeqqarissaarnermi Tasiilami efterskolissap killiffia pillugu apeqqutilliisuteqarputit.

2022-mi Inatsisartut upernaakkut ataatsimiinneranni UPA2022/95 Mala Høj Kukop Siumut, saqqummiussaa aamma UPA2022/134 Harald Biancop, Inuit Ataqtigiit, saqqummiussaa ataatsikkut sammineqarput. Siunnersuutini Tasiilami efterskolit qitiutinneqarput.

Imm. 95-ikkut Tasiilami efterskoliliornissamut Naalakkersuisut iliuusissatut pilersaarummik suliaqarnissaannik saqqummiussinissaannillu siunnersuuteqartumit peqquneqarniarput. Imm. 134-kkut Tasiilami adventure efterskolimik pilersitsinissamik Naalakkersuisut siunnersuuteqartumit peqquneqarniarput. Siunnersuuteqartut malillugit siunnersuutitigut siunertarinqarput Tunumi suliffissamik taamaalillunilu ineriartornermik pilersitsinissaq, ilinniagaqarnerup annertusarnissaa kiisalu ilinniartut ilinniagaqarnissaannik pilerilersinnissaat kaammattorneqarnissaallu.

UPA2022/134-mi Inatsisartut amerlanerussuteqartut Tasiilami misigisassarsiortunut efterskoleliortoqarnissaa itigartitsissutigaat. UPA2022/95 Inatsisartunit amerlanerussuteqartunit akuerineqarpoq, taamaalillunilu Tasiilami efterskoliliornissaq siunertaralugu Naalakkersuisut UPA2023-imut iliuusissatut pilersaarummik Inatsisartunut saqqummiussinissaannik peqquneqarlutik. Iliuusissatut pilersaarummi ilaatigut erseqqissaatigineqassapput aningaasatigut kingunissai, efterskolinut sinneruttunut kingunissai kiisalu Tasiilami ilinniartitaanernut suliaasaqartitsinermullu iliuusissanut allanut attuumassuteqarnera. Ataatsimiititaliap isumaliutissiissuutaani imm. 3.3 naapertorlugu taakku saniatigut Tasiilami efterskolimik pilersitsinissamut ilinniartussat naammannersut iliuusissatut pilersaarummi ilaatinneqassaaq.

Iliuusissatut pilersaarut mailikkut 30. maj 2023-mi Inatsisartunut agguanneqarpoq.

Iliuusissatut pilersaarummi ilaatigut nunatsinni efterskolet pillugit inatsit atuuttoq nassuiaatigineqarpoq, imminut pigisutut efterskoleliortoqassava taamatullu ingerlanneqassava, efterskolet pillugit peqatigiffimmit suliniutit aallaavigalugit ingerlasoq namminerlu siulersuisoqartooq. Taamaalillutik Naalakkersuisut maannakkorpiaq efterskoleliornissamut inatsisitigut tunngavissaqaratillu efterskolemi inerisaataasumik tunngaviusunik naleqartitanik, imarisaanik ilusaanillu aalajangersaasinnaangillat,

20-11-2023  
Suliap normua: 2023 - 24348  
All. nr. 23486811

Postboks 1029  
3900 Nuuk  
Oqarasuaat: +299 34 50 00  
Email: [ikin@nаноq.gl](mailto:ikin@nаноq.gl)  
[www.nanoq.gl](http://www.nanoq.gl)

tassunga ilanngullugit atuartut atuartitaanerminni suup tungaanut sammineqassanersut aamma isumassorneqarnerat qitiutinneqassanersut.

Iliusissatut pilersaarummi eqikkarlugu imatut inerniisoqarpoq, inatsisit atuuttut naapertorlugit Tasiilami efterskolemik piviusunngortitsinissaq efterskolet peqatigiiffiannik pilersitsinissamik piumasaqaatitaqarpoq, tamatumanilu anguniagassatut Tasiilami efterskolemik pilersitsinissaq ingerlatsinissarlu anguniagaalluni. Taamaattumik inatsisit atuuttut naapertorlugit efterskoleliorneq innuttaasut namminneq kajumissusiannit piumassusiannillu tunngaveqartariaqarpoq. Tasiilami kommunimiluunniit illoqarfimmi efterskoliornissamik taassuminngalu ingerlatsisussamik efterskolet peqatigiiffiannik peqareernersoq aallartitsisoqarsimanersorluunniit Naalakkersuisut ilisimangilaat.

Taamaattumik Naalakkersuisut Tasiilami sumiiffinniluunniit allani efterskolemik pilersitsinissamik taassuminngalu ingerlatsinissamik peqquneqassappata taava siullermik efterskolet kiffaanngissuseqartut suliffeqarfittullu imminnut pigisutut pilersinneqarnissaannik ingerlanneqarnissaannillu aamma namminneq naleqartitaminnik tunngaveqartumik, siunertanik ineriartuutaasumillu ingerlatsinissamik tunngaviit qaangerneqaqqaartariaqarput. Namminersorlutik Oqartussat siunissami nunami efterskolenik pilersitsiortussappata ingerlatsissappatalu inatsimmik allannguinerup saniatigut aamma efterskolemik atuarfiillu aaqjissuussaanerannik eqqarsaatit nutaamik eqqarsaatigeqqittariaqassapput, tassunga ilanngullugit ilinniartitaanerit suliniuteqarfiilluunniit suut nunatsinni efterskolenik qitiusumik aqunneqartut siunissami pisariaqartinneqassanersut eqqarsaatersuutigineqartariaqarput.

Tassunga tunngatillugu Naalakkersuisut maannakkut ilinniartitaaneq pillugu nutaamik periusissiulersut paasissutissiissutigineqarsinnaavoq, taanna ukiuni aggersuni ilinniartitaanerit pillugit suliaasaqarfik tamarmi meerartatsinnut alliatortunut inuusuttunullu pitsaanerpaamik aaqjissuunneqassanersoq ineriartortinneqassanersorlu pillugit naalakkersuinermik suliallit takorluugaannik ataatsimut takutitsisuussasut. Sulinermi eqqarsaatersuutit ilaat tassaasinnaavoq efterskolet pillugit inatsit nutarterneqassanersoq aamma efterskolenik pilersitsinissanut ingerlatsinissanullu allatut periuseqarnissamik ammaassisuussalluni.

Inussiarnersumik inuulluaqqusillunga

Aqqaluaq B. Egede